

四庫全書

史部

欽定四庫全書

史部

大唐開元禮卷一百

十六至
二十一

詳校官編修_臣曹錫齡

編修_臣程嘉謨覆勘

總校官編修_臣王燕緒

校對官中書_臣吳俊

謄錄監生_臣劉宗望

欽定四庫全書

大唐開元禮卷一百十六 唐 蕭嵩等 撰

嘉禮

公主降嫁

冊公主

納采

問名

納吉

納徵

請期

親迎

同牢

見舅姑

盥饋舅姑

婚會

婦人禮會

饗丈夫送者

饗婦人送者

冊公主

前一日尚舍奉御設御幄於太極殿稍北南向鋪御坐如常
儀守宮設羣官次於東西朝堂奉禮設版位並如式太樂令展
宮懸於殿庭典儀設舉麾位於殿上之西南如常儀又設羣官
版位文官一品以下五品以上於橫街北六品以下九品以上於

橫街南俱重行西向武官一品以下五品以上於橫街北六品半

九品以上於橫街南俱重行東向諸親於五品之南

皇親在東諸親在西

設

典儀位如常儀贊者二人在南少退俱西向又設冊使副使位於

懸北西上俱北面

副使立於冊使東少退以後准此

其日諸衛勒所部屯門列仗

如常儀冊使及羣官等依時刻集朝堂就次改服朝服通事舍人

各引就朝堂前位侍中量時刻版奏請中嚴鉞戟近仗入陳於殿

庭太樂令帥工人入就位協律郎入就舉麾位典儀帥贊者先

入就位諸侍衛之官各服其器服符寶郎奉寶俱詣閣奉迎通

事舍人分引王公羣官入就位又通事舍人引冊使及副使並入立於殿門外道東西面以俟黃門侍郎帥主節奉郎及幡立於陛仗南節在南中書侍郎預請冊置於案令史絳公服各對舉案立於節南道東西面中書侍郎立於案後侍中版奏外辨所司承旨索扇扇上皇帝服通天冠絳紗袍御輿以出曲直華蓋警蹕侍衛如常儀太樂令令撞黃鍾之鍾右五鍾皆應協律郎舉麾鼓祝樂作皇帝自出西房即御坐南向坐扇開協律郎偃麾戛敔樂止符寶郎奉寶置於御坐如常儀典儀贊拜羣官

在位者俱再拜訖通事舍人引冊使副使入就位冊使等初入門舒和之樂作至位樂止立定典儀曰再拜贊者承傳冊使等皆再拜侍中進當御坐前北面跪奏稱侍中臣某言冊公主請命使俛伏興又侍中少前稱制曰可退復位侍中承制降詣使者東北西面稱有制冊使等俱再拜侍中宣制曰冊某公主命公等持節展禮宣制訖使副等又再拜侍中還侍位贊禮者引冊使少前黃門侍郎引主節詣冊使東北主節以節授黃門侍郎

主節者由後
立於使左

黃門侍郎執節西南授冊使跪受興付主

節幡隨節立於使左黃門侍郎退贊禮者導中書令詣

冊使東北西面立又贊禮者導中書侍郎引詣公主冊

案立於中書令之右中書令於案取公主冊

舉案者皆
由後立於

使右以
後後此

授冊使冊使跪受興置於案

持案者退
使後以後

立於
此贊禮者

引中書令與冊使俱北向退復位典儀曰再拜贊者承

傳冊使等及羣官在位者皆再拜訖通事舍人引冊使等

右旋而出持節者前導持案者次之冊使等初行樂作

出門樂止侍中前跪奏稱侍中臣某言禮畢俛伏興還
侍位所司承旨索扇扇上皇帝興太樂令令撞蕤賓之鍾左
五鍾皆應鼓祝奏太和之樂皇帝降座御輿入自東房侍衛
警蹕如來儀侍臣從至閤扇開樂止通事舍人引羣官
在位者以次出舉冊者及冊使至長樂門外次如後儀

公主受冊

尚儀二人

讀冊

司贊一人

引公主

掌贊二人

知贊拜

女史四人

對舉冊案

前一日尚舍守宮計會設使者及冊案使次於光範門及長樂門外皆道右東向司贊設公主位於長樂門內殿前近南當階北面西上又分設內命婦應陪位者於公主東北及西北嬪御等在東宮官等在西皆重行相對北上又於內命婦之前設尚儀位二皆東向以北為上又於尚儀位南少退設司贊位掌贊二人陪其後其日典儀設冊使位於長樂門外之西東向北上又設舉冊案者位二在南差退俱東向內謁者監預取公主冊

案置於長樂門外近限內命婦已下及應在位者並服
禮衣先就位公主花釵翟衣司言引就位持節者立於
使者之北少退持冊案者立於冊使副使西南俱東向
持節者去節衣持冊案者並以案進冊使之右北向相
次而立內侍二人引使詣門內謁者舉案少前使取公
主冊跪置冊於內案俛伏興通事舍人引冊使副使等
俱退就次以俟尚儀帥女史詣門昇冊案入各就尚儀
之前對舉冊案皆東向司贊曰再拜

凡司贊有辭
掌贊皆承傳

贊公主再拜在位者皆再拜尚儀取公主冊於案

凡尚儀取

冊訖持案者以案退

少前北面稱有制司言贊公主再拜尚

儀執冊跪讀訖退復位以冊進授公主公主受冊以授司言訖司贊曰再拜公主再拜在位者皆再拜司贊少前稱禮畢司言贊公主退在位者以次退掌贊報內謁者監禮畢內謁者監傳報冊使等冊使等詣太極殿前南橫街南北面西上立中書令立於冊使等東北西面冊使等再拜復命曰奉制冊命某公主禮畢又再

拜中書令奏聞冊使等退幡節各還本司

納采

前一日主人設使者次於大門之外道右南向其日大

昕使者至於主人大門外贊禮者延入次

凡賓主及行事者皆公服

使者出次贊禮者引至大門外之西東面主人立於東

階下西面儼者立於主人之左北面受命出立於門東

西面曰敢請事使者曰朝恩貺室於某公之子某某公

有先人之禮使某也請納采

某公稱父名某也使者名

儼者入告主

人曰寡人敢不敬從儼者出告掌畜者以鴈授使者退
立於後使者左手執之贊禮者引主人迎於大門外東
西面再拜使者不答拜主人揖入使者從入主人入門
而右使者入門而左至內門主人又揖入至內雷將曲
揖當階揖使者皆不答至階主人曰請吾子升使者曰
某敢辭主人曰固請吾子升使者曰某敢固辭主人曰
終請吾子升使者曰某敢終辭主人升東階當阿西面
使者升西階當阿東面使者曰敢納采主人阼階上北

面再拜進立於楹間南面使者進立於主人之西俱南面使者授鴈降自西階以出

問名

使者既出遂立於內門外之西東面主人還阼階東左
右受鴈於序端主人降立於阼階下西面儼者進受命
出請事使者曰某既受命將加諸卜敢以禮問名儼者
入告主人曰寡人不敢辭儼者出告掌畜者以鴈授使
者退立於後贊禮者引主人迎於內門外之東西面揖

使者以入使者入再拜揖至階三讓如初主人升阼階當阿西面使者升西階當阿東面使者曰敢問名主人阼階上北面再拜進立於楹間南面使者進立於主人之西俱南面使者授鴈還立於西階上東面主人還阼階上西面曰皇帝第某女某封公主使者降出立於內門外之西東面主人還阼階東左右受鴈於序端主人降立於阼階下西面僮進受命出請事使者曰禮畢僮者入告主人曰吾子為事故至於寡人之室寡人有先皇

之禮請禮從者使者曰某既得將事敢辭僭者入告主人曰先皇之禮敢固以請僭者出告使者曰某辭不得命敢不從僭者又告贊禮者引主人立於序端贊禮者於戶牖之間鋪莞筵粉純加藻席緇純設甒醴於東房西牖下加勺罍設篚在樽北實觶一角柶一加罍籩豆在篚北實以脯醢設洗於東房近北壘水在洗西篚在洗東北肆篚實以巾加勺罍施設訖贊禮者引主人降迎使於內門外之東西面主人揖使報揖主人與使者俱

入至階一讓升主人於阼階上北面再拜賓西階上北面答拜主人受几於序端掌事者內拂几三奉兩端西北向進主人東面向外拂几以三振袂內執之進西北向拜使者迎受於筵前東南向以俟主人還東階上北面送西面立使者以几避進北面坐設於坐左興退於西階上北面答拜立於阼階西東面贊者盥手洗觶酌醴加枲覆之面葉出房南面主人受醴面柄進筵前西北面立使者西階上北面一拜送贊者薦脯醢於筵前

使者進升筵坐左執觶右取脯孺於醢祭於籩豆之間以𣎵祭醴三始扱一祭又扱再祭興以𣎵兼諸觶上臘降筵於西階上北面坐啐醴建𣎵奠觶遂拜執觶興主人答拜使者進升筵坐奠觶於薦東降筵立於西階上東面掌事者牽兩馬入陳於門內三分庭一在南北首西上掌事者奉篚幣升自東階主人受於序端進西面立使者西階上北面再拜主人進楹間南面立使者進立於主人之西俱南面主人以篚幣授使者使者受退立

於西階上東面主人還阼階上北面拜送使者降自西階從者逕受幣使者揖馬以出牽馬者從之使者出大門外之西東面立從者逕受馬主人出門東西面拜送使者退主人入立於東階下西面賓者告於主人曰賓不顧矣主人乃還於寢

納吉

前一日主人設使者次如常儀其日大昕使者至主人大門外贊禮者延入次使者出次贊禮者引立於大門

外之西東面主人立於阼階下西面僎者進受命出請
事使者曰加諸卜占曰吉使某也敢告僎者入告主人
曰某公有吉寡人預在焉寡人不敢辭僎者出告掌畜
者以鴈授使者退立於後贊禮者引主人迎於大門外
之東西面再拜使者不答主人揖入使者從入主人入
門而右使者入門而左至內門主人又揖入再揖至階
三讓如初主人升阼階當阿西面使者升西階當阿東面使
者曰敢納吉主人阼階上北面再拜進北面受雁使者降自西

階出立於內門外之西東面立主人還阼階東左右受
鴈於序端主人降立於阼階下西面儼者進受命出請
事使者曰禮畢其禮賓如問名之儀

納徵

前一日主人設使者次如常儀其日大昕使者至主人
大門外贊禮者延入次掌事者入布幕於內門之外玄
纁束陳於幕上乘馬在幕南北首西上掌事者奉璋以
匱俟於幕東西面使者出次贊禮者引立於大門外之

西東面主人立於東階下西面僮者進受命出請事使者曰朝恩貺室於某公之子某某公有先人之禮使某也以束帛乘馬請納徵僮者入告主人曰某公順先典貺以重禮寡人敢不承命僮者出告贊禮者引主人迎於大門外之東西面再拜使者不答拜主人揖入使者從入主人入門而右使者入門而左至內門主人立於門東西面使者立於門西東面掌事者坐啓匱取璋加於玄纁上與以授使者退復位使者奉玉帛主人揖興

使者俱入牽乘馬者從入三分庭一在南北首西上主人入再揖至階三讓如初主人升阼階當阿西面使者升西階當阿東面使者曰敢納徵主人阼階上北面再拜進立於楹間南面使者進立於主人之西俱南面使者授玉帛降自西階出立於門內外之西東面主人還阼階東左右受玉帛於序端受馬者自左受之以東牽馬者既授馬自門西出儼者進受命出請事使者曰禮畢其禮賓如納吉之儀

請期

前一日主人設使者次如常儀其日大昕使者至主人
大門外贊禮者延入次使者出次贊禮者引立於大門
外之西東面主人立於東階下西面儼者進受命出請
事使者曰某公有賜既申受命某公使某請吉日儼者
入告主人曰寡人既前受命惟命是聽儼者出告使者
曰某公命某聽命於王儼者入告主人曰寡人固惟命
是聽儼者出告使者曰某公使某受命於王王不許某

敢不告期曰某日儻者入告主人曰寡人敢不敬須儻者出告掌畜者以鴈授使者退立於後贊禮者引主人迎於大門外之東西面再拜使者不答拜主人揖入使者從入主人入門而右使者入門而左至內門主人又揖入再揖至階三讓如初主人升阼階當阿西面使者升西階當阿東面使者曰敢告期主人阼階上北面再拜進立於楹間南面使者進立於主人之西俱南面使者授鴈降自西階出立於內門之西東面主人還阼

階東左右受鴈於序端主人降立於阼階下西面賓者受命出請事使者曰禮畢其禮賓如納徵之儀

親迎

前一日主人設賓次如常儀其日大昕壻之父服其服

告於禰廟

以酒脯告之一獻無廟者告於正寢

將行父醢子於正寢贊者布

席於東序西向又設席於戶牖之間南向父公服坐於東

序西向子服其上服升自西階進立於席西南向贊者酌

酒進北面以授子再拜受贊者薦脯醢於席前

脯醢出自房

子升

席跪左執爵右取脯擣於醢祭於籩豆之間右祭酒執爵興降席西面跪飲卒爵奠爵再拜執爵興贊者受虛爵還於尊所子進立於父前東面父命之曰往迎爾相承我宗事勗率以敬先妣之嗣若則有常

庶子但云往迎爾相勗率以敬

子再拜曰不敢忘

命又再拜降出乘輅備威儀詣主人之第賓將至內贊者布席於東房當戶西向設樽醢醴於東房東北隅加勺纂籩在樽南實醢一角栖一加纂脯醢在籩南賓至主人大門外降輅贊禮者引停於次公主著花釵服褕翟纁紵入於房即席

南向立姆服禮衣立於右從者陪其從主人升自阼階立於戶外之東西面贊者以觶酌醴加柶覆之面柶進筵前北面公主降席西南面再拜受觶內贊者薦脯醢於筵前公主升席跪左執觶右取脯濡於醢祭於籩豆之間遂以柶祭醴三始扱一祭又扱再祭興筵末坐啐醴建柶執觶興奠觶於薦東降筵西南面再拜就席立內贊者徹薦觶主人降立於東階東南西向面贊禮者引賓出次立於門西東面賓者進受命出門東西面曰敢請事賓曰某王命某之父以茲初昏某將

請承命儻者入告主人曰寡人固敬具以須儻者出告
贊禮者引主人迎於大門外之東西面再拜賓答拜主
人揖賓報揖主人入掌畜者以鴈進賓受鴈左手執之
以入及寢門主人曰請賓入賓曰某弗敢以先主人曰
固請賓入賓曰某固弗敢以先主人揖賓報揖主人與
賓俱入及內霑將曲揖當階揖賓皆報揖至階主人曰
請升賓曰某敢辭主人曰固請賓升賓曰某敢固辭主
人曰終請賓升曰某敢終辭主人升阼階東西面立賓

升西階進當房戶北面跪奠雁興再拜降出主人不降
送初賓入門主婦出立於房戶外之西南面於賓拜訖
姆導公主出主人少進西面戒之必有正焉若衣若笄
命之曰戒之敬之夙夜無違命主婦戒於西階上施衿
結帨戒之曰勉之敬之夙夜無違公主至車後賓揖授綏
姆辭不受曰未教不足與為禮公主乘以几從者二人
坐相對持之姆加景賓乃馭輪三周馭者代之賓出大門
乘輅還第如來儀公主鹵簿次後而行

同牢

初婚掌事者設洗於東階東南東西當東雷南北以堂

深罍水在洗東篚在洗西南肆

篚實二巾二爵

設公主之洗於

東房近北罍水在洗西篚在洗東北肆皆加勺罍設饌

於東房西牖下障以帷豆簋簋鉶俎之數各依其品瓦

登一皆加巾蓋羊豕節折大羹在於饌樽於室內北牖

下立酒在西加罍勺皆南柄

罍夏用絺冬用組

樽於堂上東無

玄酒篚在南實四爵合盃加勺罍

其器皆烏漆惟登以陶盃以匏

壻至

降車以俟公主至降車北面立壻南面揖公主以入及
寢門又揖以入公主從者席於東向壻導公主升自
西階即席東面立公主升立於樽西南面壻盥於南洗
公主從者沃之公主盥於北洗壻從者沃之贊者以饌
入設於席前贊者設醬於席前醢醢在其北俎三入設
於豆東腊俎特於豆北豆東俎醢之東贊者設黍於醬東稷在
東設滂於醬南饌要方設對醬於東對醬婦贊也設之當特俎醢醢在
其南北上設黍於腊北其西稷稻粱設滂於醬北贊者

啓會却於簠簋南對簠簋於北

啓發也

皆加匕箸壻從者

布對席於饌東贊者西南告饌具壻揖公主公主即對
席西面皆坐贊者皆授匕箸各以菹孺於醢皆祭於豆
間又皆祭黍贊者各取肺皆絕末以授皆祭贊者以肺
加於俎贊者各移黍置於席上授肺脊皆食以消醬三飯
卒食贊者二人俱洗爵於北洗酌於室內之樽請饌南北
面以醑壻及公主皆興再拜受爵贊者北面答再拜壻
及公主皆坐祭酒贊者以肝從皆奠爵取肝振祭臠之

贊者皆受實於俎豆各取爵皆飲執爵興贊者受爵壻
及公主皆再拜贊者以爵復於篚又以爵酌酒再酌壻
及公主仍立受爵坐飲卒爵興贊者受爵復於篚三酌用
盃如再酌壻及公主仍立於席後贊者皆降東階洗爵
升酌於戶外樽至饌南北面俱跪奠爵興再拜贊者坐
取爵遂飲卒爵奠爵遂拜執爵興降奠於篚壻出公主
退立於樽西南贊者徹饌設於房內徹室內樽以出壻
脫冕服於房公主從者受之公主脫服於室壻從者受

之姆授巾壻從者衽之於輿公主從者衽良席在東皆有枕北趾壻入燭出從公主者餽壻之餘從壻者餽公主之餘贊者酌戶外階東樽醕之

見舅姑

見之日公主夙興沐浴著花釵服綸翟至於舅姑寢門之外贊者布舅席於東序西向布姑席於房戶外之西南向布公主席於室戶西南向在姑席之西少北側樽甌醴於房內東壁下加勺幕篚在北實觶一角枲一篚加

幕籩豆各一又在籩北設洗於東房近北罍水在洗西
籩在洗東北肆實以巾爵加勺幕質明舅公服姑著鈿
釵禮衣俱即席後立公主執笄棗栗從者執笄股脩以
從女相引公主入門升自西階東面再拜進奠棗栗於
舅席前興舅姑並撫之內贊者進徹以東公主退復東
面位又再拜降自西階受笄股脩升進北面再拜跪奠
於姑席前興姑坐舉之內贊者進徹以東公主退復北
面位又再拜女相者引公主立於席西南面內贊者詣

壘洗盥水洗解酌醴加枋面枋出房進詣公主席前北面立公主進東面再拜受醴退復位內贊者西階上北面拜送遂薦脯醢於席前公主升席坐左執解右取脯孺於鹽祭於籩豆之間以枋祭醴三始扱一祭又扱再祭加枋於解面葉興降席西東面坐啐醴建枋興拜內贊者答拜公主進升席跪奠解於豆東降自西階以出

盥饋舅姑

公主盥饋以少牢舅姑公服鈿釵禮衣公主花釵褕翟贊者布席於室之東舅姑共席坐俱東面南上贊者設樽

於室內北牖下饌於房內西牖下其饌如同牢

牲體皆節折左

載之舅且右載之姑且

舅姑即席東向坐女相引公主入升自西

階入房以醬進設於舅姑席前興少退西向立其他饌從者設之皆加匕箸俱以南為上且入各設於豆東訖贊者各授箸舅姑各以菹菹孺於醬祭豆間又祭飲訖乃食三飯卒食公主入於房盥洗爵入室酌酒醕舅進

欽定四庫全書

卷一百十六

十五

奠爵於舅席前少東西面再拜舅取爵祭酒飲之公主
受爵入房奠於籩又盥洗爵酌酒醕姑如醕舅之禮內
贊者設公主席於舅姑東北南向公主徹醬設於席前餘饌
從者設之公主進西面再拜退升席南向坐將餽舅饌
舅命易醬內贊者易之公主乃餽姑之饌公主祭內贊者
贊之既祭乃食三飯卒食內贊者洗爵酌酒醕公主公
主降席西面再拜受爵升席坐祭酒飲訖執爵興降
席東面立內贊者受爵奠於籩公主進西面再拜舅姑

興先降自西階公主降自阼階

婚會

其日主人至於賓大門外之西東面立賓立於東階下

西面儼者進於賓左北面受命出於大門外之東西面

曰敢請事主人曰某有嘉禮請公有顧

王則稱王以下准此

儼者

入告遂引賓出大門外之東西面拜主人答拜主人曰

某有嘉禮請公有顧賓曰敢辭主人曰敢固請賓曰辭

不得命敢不從主人拜賓答拜主人還賓遂與諸親從

之贊者預鋪賓席於堂上楹間近北南向設賓之宗室席位於
賓席西南賓之異姓席位於宗室之南又於西廊下設異姓席
位皆重行東向以北為上設主人席位於東階上西向設主人
宗室席位於主人東北設異姓席位於宗室之北皆重行西向
以南為上又設主人異姓席位於東廊下重行西向以北為上
賓至立於主人大門外之西東面賓之宗室立於賓西南異姓
立於宗室之南俱重行東面以北為上贊禮者引主人出立於
大門外之東西南主人諸親立於大門內之東重行西向以

南為上立定主人西面再拜賓東面答拜主人揖賓賓
報揖贊禮者引主人又贊禮者引賓以入賓之諸親以
次從入至內門主人諸親從入如常至階主人揖賓賓
報揖賓主及諸親以次升各立於席後其在庭者亦如
之立定賓主及諸親俱坐執爵者酌酒升自東階酒升
堂賓主及諸親皆起立執爵者以酒授主人贊禮
者引主人進詣賓前北向立自席西進東向受爵
贊禮引主人退復位賓還席後賓主及諸親俱坐執爵

者又以酒授主人及諸親賓主俱祭而後飲諸親不祭而飲爵行一周食升堂賓主及諸親皆起掌食者以醢醬豆授主人贊禮者引主人進設於賓席前賓曰請公無辱主人曰不敢忘禮贊禮者引主人退復位執饌者以饌設於賓主席前加以匕箸執饌者又以饌設於衆賓以下置設訖賓主及諸親皆坐賓主皆祭而食諸親不祭而食於賓祭主人辭曰疏食不足祭賓主俱食三飯而止主人曰請公食賓更飯食畢遂進庶餼觴行

如常會畢賓主及諸親俱興贊禮者各引賓主以下降出
賓主及賓之諸親皆復門外位主人諸親復門內位主
人再拜送賓退贊禮者引主人入

婦人禮會

女賓乘車入至下車所內僮者引入主人迎送於閤內相
稱之辭各准其夫餘如丈夫之禮

饗丈夫送者

其日掌事者鋪賓席於堂上楹間近北南向又鋪主人

席於阼階上西向又設衆賓之席於賓西南設從者席位於西廊下俱重行東向以北為上贊禮者引賓以下立於主人門外之西重行東向以北為上立定贊禮者引主人立於門東西面主人揖賓報揖贊禮者各引賓主以下至階主人揖賓報揖賓主以下俱升立於席後立定賓主以下俱坐遂進酒設食如婚會之儀會畢賓主以下俱興贊禮者引賓立於西階上東面主人掌事者牽乘馬入陳於門內三分庭一在南北首西上又掌

事者奉束帛之篚升以授主人主人執篚西面立賓西階上北面再拜主人進楹間南面賓進立於主人之右俱南面主人授篚賓受之退立於西階上東面主人還阼階上北面再拜送贊禮者引賓以下降自西階從者迓授篚賓及庭東面揖左馬以出牽馬者從之在庭者以次出俱復門外位從者迓受馬初賓出贊禮者引主人降自東階出門東西面拜送賓退主人入

饗婦人送者

其日女贊者鋪賓席於堂上楹間近北南面又鋪主人
席於阼階上西向又設衆賓席於賓西南設從者席位
於西廊下俱重行東向以北為上女相者引賓以下立
於主人門外之西重行東面以北為上立定女相者引
主人出於門內之東西面女相者引賓入衆賓以下從
入賓入門西東面立定賓主以次進至階俱升各立席
後上下立定俱坐遂進酒設食如婚會之儀畢賓主上
下俱興女相者引賓立於西階上東面女贊者奉束帛

之簾升以授主人主人執簾進於楹間南面立女贊者
引賓進入立於主人之右俱南面主人授幣訖女相者
引賓降出從者迓受簾衆賓以下從出初賓降女相者
引主人降送於門內賓出女相者引主人入

大唐開元禮卷一百十六

欽定四庫全書

大唐開元禮卷一百十七 唐 蕭嵩等 撰

嘉禮

三品以上嫡子冠

將冠筮於廟門之外無廟者筮於正寢之堂主人

謂將冠者

之父兄也

公服立於門東西面無廟者於堂上楹間近東西

面掌事者各服其服立於門西東面北上無廟者立於楹間近西東面北上布筮席於闕西闕外西面無廟者

於主人之西西面筮者開匱出策兼執之東面受命於主人主人曰為嫡子某某日加冠庶幾從之筮者曰諾進就筮席西面以韉擊策遂述曰假爾泰筮有常某為嫡子某某日加冠庶幾從之乃釋韉坐筮訖興降席東面稱占曰從筮者退若不吉則筮遠日如初儀贊禮者進主人之左告禮畢掌事者徹筮席前三日筮賓如求日之儀賓謂可使冠子者前二日主人戒賓及贊冠者主人至賓大門外掌次者引之次主人公服出次立於大門外之西東面賓公服立

於阼階下西面。賓者公服進於賓之左北面受命立出於門東西面曰敢請事。主人曰某之子某將加冠請某子教之。

相稱各隨官爵

賓者入告賓出立於門東西面再拜主人答拜

主人曰某之子某將冠願吾子教之。賓曰某不敏恐不能供事以辱於吾子敢辭。主人曰某猶願吾子教之。賓曰吾子重有命某敢不從。主人再拜賓答拜。主人還賓拜送主人戒贊冠者亦如之。

亦通使子弟戒之

前一日掌事者設次於大

門外之右南向。其日夙興贊者設洗於正寢阼階東南東

面當東雷

六品以下當東榮

南北以堂深鑿水在洗東加勺纂籩在

洗西南肆實巾一於篚加纂席於東房西牖下

無房者張帷

陳服

於席東領北上冕服青衣纁裳

一品衮冕服九章五章在衣山龍華蟲火宗彝藻粉米二

藻粉黼黻

二品鷩冕服七章三章在衣華蟲藻粉米二

宗彝粉米黼黻

三品毳冕服五章三章在衣宗彝藻粉米二

章在裳黼黻四品綉冕服三章一章在衣粉米二章在裳黼

黻五品玄冕衣無章裳刺黻一章六品以下爵弁服青衣纁

裳

白紗中單黼領青標襪裾革帶鈎鐔大帶

一品二品大帶皆紕其外上以

朱下以綠三品大帶四品五品素帶皆紕其垂外以玄內以

黃紕約皆用青組六品以下練帶紕其垂內外以緇紕約用

青紕

隨衣色山火二章四品黼冕山

組黻

一章五品玄冕無章六品爵韠劍飾以金玉四品

雙佩

一品山玄玉五雙綬一品綠緋綬四綵綠紫黃赤純綠質長一丈八尺二百四十首廣九寸二品三

品紫綬三綵紫黃赤純紫質長一丈六尺一百八十首廣八寸皆有雙綬長二尺六寸色同大綬而首半之一品施二

玉環四品青綬三綵青白紅純青質長一丈四尺一百三十首廣七寸五品黑綬二綵青紺純紺質長一丈二尺一百首

廣六寸皆有雙綬長二尺六寸色同大綬而首半之六品已下無劍佩綬而已 朱韞赤烏五品以上同六

品以下白韞赤履庶人黑介幘服 進賢冠服絳紗單衣白紗絳公服方心革帶鉤鐔假帶韞履

中單皂領標襪裾白裾襦赤裙革帶鉤鐔假帶曲領方心絳

紗蔽膝白韞黑烏八品以下去中單曲領蔽膝黑履庶人黑介幘服白裙襦青領革帶韞履劍雙

佩雙綬六品以下無劍綬緇布冠服青衣素裳素韞中單革大帶劍珮綬與冕服同

戰烏與進賢冠服同六品以下中單革帶繡帶與爵弁
服同戰履與進賢冠同庶人帶戰履與介幘服同去鞮

櫛簪同箱在服於南纚今用皂巾方六寸屬帶於前兩隅莞筵四紛純加藻席

四績純又側樽甒醴在服北加勺罍設玷在樽北實角觶角

柶各一加罍饌陳於玷北四品五品蒲筵四緇布純加萑席
四玄帛純六品以下蒲筵四緇布

純不加萑席四品以下設簠無玷柶以角為之狀如匕饌用
少牢及腊三俎一品二品十簋十豆三品八簋八豆四品五

品六簋六豆凡牲體節折加離肺籩實脯棗栗之屬豆實醢
醬醢菹之類六品以下用特牲一俎二簋二豆籩實脯棗豆

實菹醢設洗於東房近北罍水在洗西篚在洗東北肆實以巾

賓明賓贊至主人大門外掌禮者引之次賓贊公服諸行事

者各服其服

六品以下無公服者服常服

執樽罍篚者皆就位衮冕垂

青珠九旒以組為纓色如其綬青纁充耳用簪導鷩冕七

旒毳冕五旒餘皆同衮旒

四品五品綉冕垂青珠四旒以組為纓色如其綬青纁充

耳角簪導玄冕三旒餘同綉冕六品以下爵弁玄纓角簪導庶人則黑介幘

進賢冠三梁纓

青綏犀導

四品五品兩梁六品以下一梁庶人則黑介幘

緇布冠青組纓冠冕

各一箱各一人執之待於西階之西東面北上設主
人之席於阼階上西面賓席於西階上東面冠者
席於主人東北面主人公服立於阼階下當東序

西面諸親公服非公服者常服立於罍洗東南西

面北上

尊者傳別室

賓者公服立於門內道東北面將

冠者雙童髻空頂幘雙玉尊金寶飾綵袴褶錦紳

烏皮履

四品五品導飾以金六品以下無金飾

立於房內南面主人

贊冠者公服立於房內戶東西面賓及贊冠者出

次立於門之西贊冠者少退俱東面北上賓者進

於主人之左北面受命出立於門東西面曰敢請

事賓曰某子有嘉禮命某執事賓者入告主人迎

賓於大門外之東西面再拜賓答拜

凡主賓拜揖出入皆贊禮者導之

主人揖贊冠者贊冠者報揖主人又揖賓賓報揖主人
入賓及贊冠者次入及內門主人揖賓賓報揖主人與
賓入贊冠者從之至內雷將曲揖賓報揖及階主人立於
階東西面賓立於階西東面主人曰請吾子升賓曰某將
事敢辭主人曰固請吾子升賓曰某敢固辭主人曰終
請吾子升賓曰某敢終辭主人升自阼階立於席東西
向賓升自西階立於席西東向贊冠者及庭盟於洗升

自阼階入於東方立於主人贊冠者之南俱西面主人贊冠者引將冠者出立於房戶外賓之贊冠者取纚櫛簪箱跪奠於冠者筵南端興席北少東西面立賓揖將冠者賓主俱即座坐將冠者進升席西面坐賓之贊冠者進筵前東面跪脫雙童髻置於櫛箱畢設纚興復位立賓主俱興賓降盥主從降賓東面辭曰請吾子不降主人曰吾子降辱敢不從賓降至罍洗盥手訖詣西階賓主一揖一讓升主人立於席後西面賓立於西階上

東面執緇布冠者升賓降一等受之右執頂左執前進
將冠者筵前東向立祝曰令月吉日始加元服弃爾幼
志順爾成德壽考維祺永介景福乃跪奠冠興復西階上席
後東面立賓之贊冠者進冠前東面跪結纓興復位冠
者興賓揖冠者冠者適房賓主俱坐冠者著青衣紫裳之
服出房戶西南面立賓主俱興賓揖冠者冠者進升席西
向坐賓之贊冠者跪脫緇布冠置於箱櫛畢設纓興復
位賓降二等受進賢冠

庶人則
黑介幘

右執頂左執前進冠

者筵前東向立祝曰吉月令辰乃申爾服敬爾威儀淑

慎爾德眉壽萬年永受胡福乃跪冠興復位賓之贊冠

者跪設簪纓興賓揖冠者冠者適房賓主俱坐冠者著

絳紗服

庶人則白裙襦服

出房戶西南面立賓主俱興賓揖冠

者進升席西向坐賓之贊冠者跪脫進賢冠

庶人脫黑介幘置

於箱櫛畢設纓興復位賓降三等受冕

六品受爵弁庶人黑介幘

右

執頂左執前進冠者筵前東向立祝曰以歲之正以月

之令歲加爾服兄弟具在以成厥德黃耆無疆受天之

慶乃跪冠興復位賓之贊冠者跪設簪結纓興復位冠興者賓揖冠者適房賓主俱坐主人贊冠者徹纓櫛簪箱及筵入於房又筵於室戶西南向冠者著冕服

六品以下著爵弁之服庶人則絳公服

出房戶西南立賓主俱興主人

贊冠者盥手洗解於房酌醴加枌覆之面葉出戶南面立賓揖冠者冠者就筵西面立賓進受醴於室戶東加枌面枌進冠者筵前北面立祝曰甘醴維厚嘉薦令芳拜受祭之以定爾祥承天之休壽考不忘冠者筵西

拜受解賓復西階上東面答拜執饌者奉饌薦於冠者
筵前冠者升筵坐左執解右取脯濡於醢祭於豆籩之間贊
冠者取肺一以授冠者冠者奠解於薦西興受却左手執本
坐右絕末以祭上左手嚙之興以授贊冠者加於俎冠者坐
悅手取解以柶祭醴加柶於解西葉興筵末坐啐醴建柶興
降筵西南面跪奠解再拜執解興賓答拜賓主俱坐冠者升
筵跪奠解於薦東興進北面跪取脯降自西階入見母
進奠脯於席前退再拜以出冠者母不在則使人受脯

於西階下初冠者入見母賓主俱興賓降當西序東面立主人降當東序西面立冠者既見母出立於西階之東南面賓少進字之曰禮儀既備令月吉日昭告爾字爰字孔嘉髦士攸宜錫之於嘏永受保之曰伯某甫冠者曰某雖不敏夙夜祇奉賓出主人送於內門外主人西面請賓曰吾子辱執事請禮從者賓曰某既得將事敢辭主人曰敢固以請賓曰某辭不得命敢不從賓就次主人入初賓出冠者東面見諸親諸親拜之冠者答拜冠

者西面拜賓之贊冠者贊冠者答拜訖見諸尊於別室賓主既釋服改設席訖賓與衆賓俱出次立於門西東面主人出立於門東西面主人揖賓賓報揖主人先入賓及衆賓從之至階一讓升各就坐後立定俱升坐會訖賓主俱興賓立於西階上贊冠者在北少退俱東面立人立於東階上西面衆賓降立於西階下東面掌事者以幣篚升授主人於序端主人執篚少進西面立又掌事者奉幣篚升牽馬者牽兩馬入陳於門內三分庭一在南北首西上賓還西

階上北面贊冠者立於賓左少退賓贊俱再拜主人進立於楹間南面賓贊進立於主人之右俱南面主人授幣篚賓受之退復東面位於主人授幣掌事者又以幣篚授贊冠者退復位主人還阼階上北面拜送賓降自西階從者迓受幣賓當庭賓東面揖出牽馬者從出從者迓受馬於賓降主人降送賓於大門外之東西面再拜賓退主人入孤子則諸父諸兄戒賓冠之日主人髻而迎賓拜揖讓如冠主冠於阼醴之及

禮賓拜送皆如上儀明日見廟冠者朝服質明贊禮者
引入廟南門中庭道西北面贊再拜訖引出

大唐開元禮卷一百十七

欽定四庫全書

大唐開元禮卷一百十八 唐 蕭嵩等撰

嘉禮

三品以上庶子冠

將冠筮日筮賓如嫡子之儀前二日主人戒賓及贊冠者前一日掌事者設次於大門外之右南向其日夙興

贊者設洗於正寢阼階東南東西當東雷

六品以下當東榮

南

北以堂深疊水在洗東加勺罍篚在洗西南肆寶巾一

於篚加幕席於東房內西牖下

無房者張帷為之

陳服於席東領

北上冕服青衣纁裳

一品裳服九章五章在衣山龍華蟲火宗彝四章在裳藻粉米黼黻二品

鷩冕服七章三章在衣華蟲藻火四章在裳宗彝藻粉米二章在裳黼黻三品毳冕服五章三章在衣宗彝藻粉米二章在裳黼黻四品綉冕服三章一章在衣粉米二章在裳黼黻五品玄冕衣無章裳刺黼一章六品以下爵弁服青衣纁裳

白紗中單黼領青標襪裾革帶鈎鐔大帶

一品二品大帶皆純其外上以

朱下以綠三品大帶四品五品素帶皆純其垂外以玄內以黃紱約皆用青組六品以下練帶純其垂內外以纁約用青組中黼隨裳色山火二章四品綉裳山劍飾以金玉單青領黼一章五品玄冕無章六品爵韠劍四品五品飾

金雙珮

一品山玄玉五品以上水蒼玉

雙紱

一品綠紱紱四綠紫黃赤純綠質長一丈八尺二百四

十首廣九寸二品三品紫綬三銖紫黃赤純紫質長一丈六尺一百八十首廣八寸皆有小雙綬長二尺六寸色同

大綬而首半之一品施二玉環四品青綬三銖青白紅純青質長一丈四尺一百三十首廣七寸五品墨綬二銖青

紺純紺質長一丈二尺一百首廣六寸皆有小雙綬長二尺六寸色同大綬而首半之六品以下無劍珮綬朱

韞赤烏

五品以上同六品以下白韞赤履庶人黑介幘服絳公服方心革帶鈎鞞假帶韞履

進賢冠

服絳紗單衣白紗中單皂領襦襜裾白裙襦赤裙革帶鈎

鞞假帶曲領方心絳紗蔽膝白韞黑烏

八品以下去中單曲領蔽膝黑履庶

人黑介幘服白裙襦青領革帶韞履

劍雙珮雙綬

六品以下無劍綬

緇布冠服青衣

素裳素鞞

中單革帶大帶劍珮綬與冕服同韞烏與進賢冠服同六品以下中單革帶與爵弁服同韞履

與進賢冠服同庶人帶

緇纁櫛簪同箱在服南

纁今用皂巾方六寸

屬帶於前兩隅

莞筵三紛純加藻席三緇純在南樽於房戶外之

西兩甌玄酒在西加勺冪設坫於樽東置二爵於坫加冪

饌陳於服北

四品五品蒲筵三緇布純加萑席三玄帛純

品設篚無坫以角為之狀如匕饌用少牢及腊三俎一

品二品十簋十豆三品八簋八豆四品五品六簋六豆凡

牲體節折加離肺籩實脯棗之屬豆實醢醬之類六

賓贊至主人大門外掌次者引之次賓贊公服諸行事者

各服其服六品以下無公服者服其常服

執樽罍篚者皆就位衮冕垂青

珠九旒以組為纓色如其綬青纓充耳角簪導鷩冕七旒

毳冕五旒餘皆同衮冕

四品五品綉冕垂青珠四旒以組為纓色如其綬青纓充耳角簪導

玄冕三旒餘同綉冕六品以下用爵弁玄纓庶人用黑介幘

進賢冠三梁纓青綾犀導

四品五品兩梁六品以下一梁庶人則黑介幘緇布冠青組纓冠冕各一箱各一

人執之待於西階之西東面西北上設主人之席於阼階

上西面賓席於西階上東面冠者席於房戶外之西南面

房外謂尊東

主人公服立於阼階下當東序西面諸親公服非

公服者常服立於壘洗東南西面北上

尊者停別室

儼者公服

立於門內道東北面將冠者雙童髻空頂幘雙玉導金寶飾
綵袴褶錦紳烏皮履立於房內南面主人贊冠者公服立於
房內戶東西面賓及贊冠者出次立於門西贊冠者少退俱
東面北上儼者進於主人之左北面受命出立於門東西面
曰敢請事實曰某子有嘉禮命某執事儼者入告主人迎賓
於大門外之東西面再拜賓答拜凡賓主拜揖入出皆贊禮相導主人揖贊
冠者贊冠者報揖主人又揖賓賓報揖主人入賓及贊冠者
次入及門內主人揖賓賓報揖主人與賓入贊冠者從之

至內雷將曲揖賓報揖至階主人立於阼階東西面賓
立於階西東面主人曰請吾子升賓曰某備將事敢辭主人
曰固請吾子升賓曰某敢固辭主人曰終請吾子升賓曰某
敢終辭主人升自阼階立於席東西向賓升自西階立於席
西東向贊冠者及庭盥於洗升自西階入於東房立於主人
贊冠者之南俱西面主人贊冠者引將冠者出立於房戶外
之西南面賓之贊冠者取纓櫛簪箱跪奠於冠者筵東興席
東少北南面立賓揖將冠者賓主俱即席坐將冠者進升席

面南坐賓之贊冠者進筵前北面跪脫雙童髻置於箱櫛
畢設纚興復位賓主俱興賓降盥主人從降賓東面辭
曰請吾子不降主人曰吾子降辱敢不從賓降至盥洗
盥手訖詣西階賓主一揖一讓升主人立於席後西面
賓立於西階上東面執緇布冠者升賓降一等受之右
執頂左執前進將冠者筵前北向跪冠興復西階上席後
東面立賓之贊冠者進筵前北面跪結纚興復位冠者
興賓揖冠者適房賓主俱坐冠者著青衣素裳之服出

房立於戶西南賓主俱興賓揖冠者進立於席後南面
賓降盥主人從降辭對如初賓盥手跪取爵於篚興洗
訖詣西階賓主一揖一讓升主人立於席後西面賓詣酒尊所
酌酒進冠者筵前北面立祝曰旨酒既清嘉薦亶時始加元
服兄弟具來孝友時格永乃保之冠者筵西拜受爵賓
復西階上東面答拜執饌者薦籩豆於冠者筵前冠者
升筵坐左執爵右取脯濡於醢祭於籩豆之間祭酒興
筵未坐啐酒執爵興降筵西跪奠爵再拜執爵興賓答

拜冠者升筵跪奠爵於薦東興立於筵西執饌者徹

薦爵賓揖冠者冠者進升筵南向坐賓之贊冠者跪

脫緇布冠置於箱櫛畢設纚興復位賓降二等受進賢

冠

庶人則黑介幘

右執頂左執前進冠者筵前北面跪冠興復

位賓之贊冠者坐設簪纓興復位冠者興賓揖冠者冠

者適房賓主俱坐冠者著絳紗服

庶人則白裙襦服

出房立於戶

西南面賓主俱興賓揖冠者進立於席後南面賓詣酒

尊所取爵酌酒進冠者筵前北面立祝曰旨酒既滑嘉

薦伊脯乃中爾服禮儀有序祭此嘉爵承天之祜冠者
筵西拜受爵賓復西階上東面答拜執饌者薦籩豆冠
者升筵坐左執爵右祭脯醢祭酒興筵末坐啐酒執爵
興降筵西跪奠爵再拜執爵興賓答拜冠者升筵坐奠爵
於薦東興立於筵西南面執饌者徹薦爵賓揖冠者冠
者進升席南面坐賓之贊冠者跪脫進賢冠庶人脫黑介幘置於
箱櫛畢設纓興復位賓降三等受冕六品以下受爵弁庶人則黑介幘
右執頂左執前進冠者筵前北向跪冠興復位賓之贊

冠者坐設簪結纓興復位冠者興賓揖冠者適房賓主俱

坐主人贊冠者徹櫛箱入於房冠者著冕服

六品以下爵弁服庶

人終公服

出房立於戶西南面賓主俱興賓揖冠者冠者進

立於席後南面賓詣酒尊所取爵酌酒進冠者筵前北
向立祝曰旨酒既芳籩豆有楚咸加爾服肴升折俎承
天之慶受福無疆冠者筵西拜受爵賓復位東面答拜
執饌者薦籩豆設俎於籩豆之南冠者升筵坐左執爵
右祭脯醢贊冠者取脯一以授冠者冠者奠爵於薦西

興受却左手執本坐右絕末以祭上左手嚙之興加於
俎冠者坐悅手執爵祭酒興筵末坐啐酒興降筵西南面
坐奠爵再拜執爵賓答拜冠者升筵坐奠爵於薦東興
降席北面跪取脯降自西階入見母進奠脯於席前退
再拜以出冠者母不在則使人受脯於西階下初冠者
入見母賓主俱興賓降當西序東面立主人降當東序
西面立冠者既見母出立於西序之東南上賓少進字
之曰禮儀既備令月吉日昭告爾字爰字孔嘉髦士攸

宜錫之於嘏永受保之曰孟某甫仲叔季惟其所當冠者曰某雖不敏夙夜祇奉賓出主人送於內門外主人西面請賓曰吾子辱執事請禮從者賓曰某既得將事敢辭主人曰敢固以請賓曰某辭不得命敢不從賓就次主人入初賓出冠者東面見諸親諸親拜之冠者答拜冠者西南面拜賓之贊冠者賓之贊冠者答拜謁諸尊於別室賓主既釋服改席訖賓與衆賓俱出次立於門西東面主人出門東西面主人揖賓報揖主人先入賓及衆賓從之至階

一讓各升就坐後立定升坐會訖賓主俱興賓立於西階上贊冠者在北少退俱東面主人立於東階上西面衆賓降立於西階下東面掌事者以幣篚升授主人於序端主人執篚少進西面立又掌事者奉幣篚升立於主人之後於幣篚升牽馬者牽兩馬入陳於門內三分庭一在南北首西上賓還西階上北面贊冠者於賓左少退賓贊者俱再拜主人進立於楹間南面賓贊進立於主人之右俱南面主人授幣篚賓受之退復東面位

於主人授篚掌事者又以幣篚授贊冠者退復位主人還阼階上北面拜送賓降自西階從者迓受幣賓當庭實東面揖東出牽馬者從出從者迓受馬於門外於賓降主人降送賓於大門之東西面再拜賓退主人入孤子則諸父諸兄戒賓冠之日主人髻而迎賓拜揖讓如冠主冠醮禮賓拜送皆如上儀明日見廟冠者朝服無廟者見祖禰於正寢冠者公服

庶人則常服

質明贊禮者引

入廟南門道西中庭北面贊再拜訖引出無廟者設几

筵於正寢贊禮者引入至庭北面再拜訖引出五品已
上孫九品以上子冠假用出身品服其三品以上大功
以上親五品以上周以上親冠同八品九品服

大唐開元禮卷一百十八

欽定四庫全書

大唐開元禮卷一百十九

唐 蕭嵩等 撰

嘉禮

四品五品嫡子冠

將冠筮於廟門之外主人

謂將冠者之父兄

公服立於門東西

面掌事者各服其服立於門西東面北上布筮席於闕西闕外西面筮者開匱出策兼執之東面受命於主人主人曰為嫡子某某日加冠庶乎從之筮者曰諾進就

筮席西面以韝擊策遂述曰假爾泰筮有常某為嫡子
某某日加冠庶乎從之乃釋韝坐筮訖興降席東面稱占
曰從筮者退若不吉則筮遠如初儀贊禮者進主人之
左告禮畢掌事徹筮席前三日筮賓如求日之儀

筮賓筮
其可使

冠子

前三日主人戒賓及贊冠者主人至賓大門外掌次
者引之次主人公服出次立於門外之西東面賓公服立
於阼階下西面儻者公服進於賓之左北面受命出立於
門東西南曰敢請事主人曰某之子某將加冠請某子教之

相稱各
隨官爵

儻者入告賓出立於門東西面再拜主人答拜

主人曰某之子某將加冠願吾子教之賓曰某不敏恐不能供事以辱吾子敢辭主人曰某猶願吾子教之賓曰吾子重有命某敢不從主人再拜賓答拜主人還賓送主人戒贊冠者亦如之

亦通使子弟戒之

前一日掌事者設

次於大門外之右南向其日夙興贊者設洗於正寢阼階東南東西當東雷南北以堂深壘水在洗東加幕篚在洗西南肆實巾一於篚加幕席於東房內西牖下

無房者張帷為之

陳服於席東領北上冕服青衣纁裳

四品繡冕服三

章一章在衣粉米二章在裳黼黻五品玄冕衣無章裳刺黼一章

白紗中單青領標襪

裾革帶鈎鰈大帶

素帶紕其垂外以玄組黻綉冕山一章內以黃紱約皆用青組玄冕無章

劍飾以金

雙珮

水蒼玉

雙綬

四品青綬三綬青白紅純青質長一丈四尺一百三十首廣七

寸五品黑綬二綬青紺純紺質長一丈三尺一百首廣六寸皆有小雙綬長二尺六寸色同大綬而首半之朱

韞赤烏進賢冠服絳紗單衣白紗中單皂領標襪裾白

裙襦

赤裙衫

革帶鈎鰈假帶曲領方心絳紗蔽膝白韞黑

烏劍珮雙綬緇布冠服青衣素裳素韞

中單革帶劍珮綬與冕服同韞

屬與進屬冠同緇纒櫛簪同箱在服南纒今用皂巾六寸屬帶於前兩隅蒲筵

四緇布純加萑席四玄帛純又在南側樽無醴在北加

勺幕設篚在樽側北實角觶角枲各一加幕饌陳於篚

北枲以角為之狀如匕饌用少牢及腊三俎籩六豆六牲體節折加雞肺籩實棗栗豆實蕤醢之屬設洗於東

房近北罍水在洗西篚在洗東北肆實以巾質明賓贊至於主

人大門外掌次者引之次賓贊公服諸行事者各服其服執樽

罍篚者皆就位綉冕垂青珠四旒以組為纓色如其綬青纁充

耳角導玄冕三旒餘皆同綉冕進賢冠兩梁纓青綾

犀導纈布冠青組纓冠冕各一箱各一人執之待於西階之
西東面北上設主人之席於阼階上西面賓席於西階
上東面冠者席於主人東北西面主人公服立於阼階
下當東序西面諸親公服非公服者常服立於壘洗東
南西面北上尊者停別室儻者公服立於門內道東北面將
冠者雙童髻雙玉導金飾綵袴褶錦紳烏皮履立於房
內南面主人之贊冠者公服立於房內戶東西面賓及
贊冠者出次立於門西贊冠者少退俱東面北上儻者

進於主人之左北面受命出立於門東西面曰敢請事

賓曰某子有嘉禮命某執事儻者入告主人迎賓於大

門外之東西面再拜賓答拜

凡賓主拜揖出入皆贊禮者相導

主人揖

贊冠者贊冠者報揖主人又揖賓賓報揖主人揖入賓

及贊冠者次入及內門主人揖賓賓報揖主人與賓入

贊冠者從之至內雷將曲揖賓報揖至階主人立於階東西

面賓立於階西東面主人曰請吾子升賓曰某備將事

敢辭主人曰固請吾子升賓曰某固辭主人曰終請吾

子升賓曰某敢終辭主人升自阼階立於席東西向
賓升自西階立於席西東向贊冠者及庭盥於洗升自
西階入於東房立於主人贊冠者之南俱西面主人贊
冠者引將冠者出立於房戶外之西南面賓之贊冠者
取纚櫛簪箱跪奠於冠者筵南端興席北少東西面立
賓揖將冠者賓主俱即席坐將冠者進升席西面坐賓
之贊冠者進筵前東面跪脫雙童髻置於箱櫛畢設纚
興復位立賓降盥主人從降賓東面辭曰願吾子不降

主人曰吾子降辱敢不從賓降至盥洗盥手訖詣西階
賓主一揖一讓升主人立於席後西面賓立於西階上
東面執緇布冠者升賓降一等受之右執頂左執前進
將冠者筵前東向立祝曰令月吉日始加元服弃爾幼
志順爾成德壽考維祺介爾景福乃跪冠興復西階上
席後東面立賓之贊冠者進筵前東面跪結纓興復位
冠者興賓揖冠者冠者適房賓主俱坐冠者著青衣素
裳之服出房戶西南面賓主俱興賓揖冠者冠者進升

席西向坐賓之贊冠者跪脫緇布冠置於箱櫛畢設纚
興復位賓降二等受進賢冠右執頂左執前進冠者筵
前東向立祝曰吉月令日乃申爾服敬爾威儀淑慎爾
德眉壽萬年永受胡福乃跪冠興復位賓之贊冠者坐設
簪結纓興復位冠者興賓揖冠者冠者適房賓主俱坐
冠者著絳紗服出房戶西南面立賓主俱興賓揖冠者
冠者進升席西向坐賓之贊冠者跪脫進賢冠置於箱櫛畢
設纚興復位賓降三等受冕右執頂左執前進冠者筵

前東向立祝曰以歲之正以月之令咸加爾服兄弟具
在以成厥德黃耆無疆受天之慶乃跪冠興復位賓之
贊冠者跪設簪結纓興復位冠者興賓揖冠者冠者適
房賓主俱坐主人贊冠者徹纚櫛簪箱及筵入於房又
筵於室戶西向冠者著冕服出房戶西南面立賓主俱
興主人贊冠者盥手洗解於房酌醴加柶覆之面葉出
房南面立賓揖冠者冠者就筵西南面立賓進受醴於室
戶東加柶面柄進冠者筵前北面立祝曰甘醴惟厚嘉薦

令芳拜受祭之以定爾祥承天之休壽考不忘冠者筵
西拜受解賓復西階上東面答拜執饌者奉饌薦於冠
者筵前冠者升筵坐左執解右取脯孺於醢祭於籩豆
之間贊冠者取肺一以授冠者冠者奠解於薦西興受
却左手執本坐右絕末以祭上左手嚙之興以授贊冠
者加於俎冠者坐悅手取解以柶祭醴加柶於解面葉
興筵末跪啐醴建柶興降筵西南面跪奠解再拜執解
興賓答拜賓主俱坐冠者升筵跪奠解於薦東興進北面

跪取脯降自西階入見母進奠脯於席前退再拜以出
冠者母不在則使人受脯於西階下初冠者入見母賓
主俱興賓降當西序東面立主人降當東序西面立冠
者既見母出立於西階之東南面賓少進字之曰禮儀
既備令月吉日昭告爾字爰字孔嘉髦士攸宜宜之於
嘏永受保之曰伯某甫冠者曰某雖不敏夙夜祇奉之
賓出主人送於內門外主人西面謂賓曰吾子辱執事
請禮從者賓曰某既得將事敢辭主人曰敢固以請賓

曰某辭不得命敢不從賓就次主人入初賓出冠者東面見諸親諸親拜之冠者答拜冠者西面拜賓之贊冠者賓之贊冠者答拜見諸尊於別室賓主既釋服改席訖興衆賓俱出次立於門西東面主人出門東西面主人揖賓賓報揖主人先入賓及衆賓從之至階一揖升各就坐後立定俱升坐會訖賓主俱興賓立於西階上東面主人立於東階上西面衆賓降立於西階下東面掌事者以幣篚升授主人於序端賓北面再拜主人進立於楹間南

面賓進立於主人之右俱南面賓受幣退復東面位
主人還阼階上北面拜送賓降自西階從者迂受幣賓
出主人送賓於大門外之東西面再拜賓退主人入孤
子則諸父諸兄戒賓冠之日主人髻而迎賓拜揖讓如
冠主冠於阼醴之及禮賓拜送如上儀明日見廟冠者
朝服質明贊禮者引入廟南門中庭道西北面贊再拜
訖引出

大唐開元禮卷一百十九

欽定四庫全書

大唐開元禮卷一百二十 唐 蕭嵩等 撰

嘉禮

四品五品庶子冠

將冠筮賓如嫡子之儀前二日主人戒賓及贊冠者先一日掌事者設次於大門外之右南向其日夙興贊者設洗於正寢阼階東南東西當東雷南北以堂深壘水在洗東加勺畧篚在洗西南肆實巾一爵一於篚加畧席於東房內西

牖下

無房者張惟為之

陳服於席東領北上冕服青衣纁裳

四品纁冕服三

章一章在衣粉米二章在裳黼黻玄冕衣無章裳刺黻一章

白紗中單青領標襪裾革帶

鈎髀大帶

素帶純其垂外以玄內以黃紱約皆用青組

黻繡冕山一章玄冕無章

劍飾以雙

綬

四品青綬三綵青白紅青純質長一丈四尺一百四十首廣七寸五品以黑綬二綵青紺純紺質長一丈二尺一百

首廣六寸有小雙綬長二尺六寸色同大綬而首半之

朱韞赤烏進賢冠服絳紗單衣

白紗中單皂領標襪裾白裙襦

赤裙衫

革帶鈎髀假帶曲領方

心絳紗蔽膝白韞黑烏劍雙綬緇布冠服青衣素裳素韞

中單

革帶大帶劍佩與冕服同戰鳥與進賢冠同

緇纁櫛簪同箱在服南

纁今用皂巾方約有六寸屬帶

於前
兩隅

蒲筵三緇布純加萑席三玄帛純又在南樽於房戶

外之西兩甌玄酒在西加勺冪設篚於樽東置二爵加冪

饌陳於服北

饌用少牢及腊三俎六豆六牲體節折
加離肺邊實脯棗之屬豆實醢醢之類

質

明賓贊至於主人大門外掌次者引之次賓贊公服諸行

事者各服其服執樽罍篚者皆就位綉冕垂青珠四旒以

組為纓色如其綬青纁充耳角導玄冕三旒餘同綉冕服

進賢冠兩梁纓青綉犀導緇布冠青組纓冠冕各一箱各

一人執之待於西階之西東面北上設主人之席於阼

階上西面賓席於西階上東面冠者席於房戶外之西

南面

房外謂尊東

主人公服立於阼階下當東序西面諸親

公服非公服者常服立於嚳洗東南西面北上

尊者停別室

儻者公服立於門內道東北面將冠者雙童髻玉導金

飾綵袴褶錦紳烏皮履立於房內南面主人贊冠者公

服立於房內戶東西面賓及贊冠者出次立於門西贊

冠者少退俱東面北上儻者進於主人之左北面受命

出立於門東西面曰敢請事賓曰某子有嘉禮命某執

事賓者入告主人迎賓於大門外之東西面再拜賓答

拜

凡賓主拜揖入出皆贊禮相導

主人揖贊冠者贊冠者報揖主人又

揖賓賓報揖主人入賓及贊冠者次入及門內主人揖

賓賓報揖主人與賓入贊冠者從之至內雷將曲揖賓

報揖至階主人立於階東西面賓立於階西東面主人

曰請吾子升賓曰某備將事敢辭主人曰固請吾子升

賓曰某敢固辭主人曰終請吾子升賓曰某敢終辭主

人升自阼階立於席東西向賓升自西階立於席西東

向贊冠者及筵盥洗升自阼階入於東房立於主人贊冠者之南俱西面主人贊冠者取纚櫛簪箱跪奠於冠者筵東端興席東少北南面立賓揖將冠者賓主俱即席坐將冠者進升席西面坐賓之贊冠者進筵前北面跪脫雙童髻於箱櫛畢設纚興復位立賓主俱興賓降盥主人從降賓東面辭曰請吾子不降主人曰吾子降辱敢不從降賓至盥洗盥手訖詣西階賓主一揖一讓升主人立於席後西面賓立於西階上東面執緇布冠

者升賓降一等受之右執頂左執前進將冠者筵前北
向跪冠興復西階上席後東面立賓之贊冠者進冠者
北面跪結纓興復位冠者興賓揖冠者適房賓主俱坐
冠者著青衣素裳之服出房立於戶西南面賓主俱興
賓揖冠者冠者進立於席後南面賓降盥主人從降辭
對如初賓盥手跪取爵於篚興洗訖詣西階賓主一揖下
讓升主人立於席後西面賓詣酒樽所酌酒進冠者筵
前北向立祝曰旨酒既清嘉薦亶時始加元服兄弟具

來孝友時格永乃保之冠者筵西拜受爵賓復西階上
東面答拜執饌者薦籩豆於冠者筵前冠者升筵坐左
執爵右取脯濡於醢祭於籩豆之間祭酒興筵末坐啐
酒執爵興降筵西跪奠爵再拜執爵興賓答拜冠者升筵
跪奠爵於薦東興立於筵西南向坐賓之贊冠者跪脫緇
布冠置於箱櫛畢設纓興復位賓降二等受進賢冠右
執頂左執前進冠者筵前北向跪冠興復位賓之贊冠
者坐設簪結纓興復位冠者興賓揖冠者適房賓主俱

坐冠者著絳紗服出房立於戶西南面賓主俱興賓揖冠者進立於席後南面賓詣酒樽所取爵酌酒進冠者筵前北向立祝曰旨酒既滑嘉薦伊脯乃申爾服禮儀有叙祭此嘉爵承天之祐冠者筵西拜受爵賓復西階上東面答拜執饌者薦豆冠者升筵坐左執爵右祭脯醢祭酒興筵末坐啐酒執爵興降筵西奠爵再拜執爵興賓答拜冠者升筵坐奠爵於薦東興立於筵西南面執饌者徹薦爵賓揖冠者冠者進升席南面坐賓之贊冠者

跪脫進賢冠置於箱櫛畢設纓興復位賓降三等受冕
右執頂左執前進冠者筵前北向跪冠興復位賓之贊冠
者跪設簪結纓興復位冠者興賓揖冠者冠者適房賓
主俱坐主人贊冠者徹櫛箱入於房冠者著冕服出房
立於戶西南面賓主俱興賓揖冠者冠者進立於席後
南面賓詣酒樽所取爵酌酒進冠者筵前北面立祝曰
旨酒令芳籩豆有楚咸加爾服肴升折俎承天之慶受
福無疆冠者筵西拜受爵賓復位東面答拜執饌者薦

籩豆設俎於籩豆之南冠者升筵坐左執爵右祭脯醢
贊冠者取肺一以授冠者冠者奠爵於薦西興受却左
手執本坐右絕末以祭上左手齎之興加於俎冠者坐
悅手執爵祭酒筵末坐啐酒興降筵西南面坐奠爵再
拜執爵興賓答拜冠者升筵坐奠爵於薦東興降席北
面跪取脯降自西階入見母進奠脯於席前退再拜出
冠者母不在則使人受脯於西階下初冠者入見母賓
主俱興賓降當西序東面立主人降當東序西面立冠

者既見母出立於西階之東南面賓少進字之曰禮儀
既備令月吉日昭告爾字爰字孔嘉髦士攸宜宜之於
嘏永受保之曰孟某甫仲叔季惟其所當冠者曰某雖
不敏夙夜祇奉賓出主人送於內門外主人西面請賓
曰吾子辱執事請禮從者賓曰某既得將事敢辭主人
曰敢固以請賓曰某辭不得命敢不從賓就次主人入
初賓出冠者東面見諸親諸親拜之冠者答拜冠者西南面
拜賓之贊冠者贊冠者答拜訖見諸尊於別室賓主既

釋服改席訖賓興衆賓俱出次立於門西東面主人出
門東西面主人揖賓賓報揖主人先入賓及衆賓從之
至階讓升各就位後立定俱興賓坐會訖賓主俱立於西階
上東面主人立於東階上西面衆賓降立於西階下東
面掌事者以幣篚升授主人於序端賓北面再拜主人
進立於楹間南面賓進立於主人之右俱南面賓受篚
退復東面位主人還阼階上北面拜送賓降自西階從者
迓受幣賓出主人送於大門外之東西面再拜賓退主

人入孤子則諸父諸兄戒賓冠之日主人髻而迎賓拜
揖讓如冠主冠醮禮賓拜送皆如上儀

大唐開元禮卷一百二十

欽定四庫全書

大唐開元禮卷一百二十一

唐 蕭嵩等 撰

嘉禮

六品以下嫡子冠

將冠筮於正寢之堂

若有廟者於廟門外
如五品以上之儀

主人

謂將冠
者之父

兄公服立堂上楹間近東西向掌事者立於楹間近東

西面北上布筮席於主人之西西面筮者開籜出策兼

執之東面受命於主人主人曰為嫡子某某日加冠庶

幾從之筮者曰諾進就筮席西面以韝擊策遂述曰假爾太筮有常某為嫡子某日加冠庶幾從之乃釋韝坐筮訖興降席東面稱占曰從筮者退若不吉則筮遠日如初儀贊禮者進主人之左告禮畢掌事者徹筮席前三日筮賓如求日之儀筮賓筮其可使冠子者前二日主人戒賓及贊冠者主人至賓大門外掌次者引之次主人公服出次立於門外之西東面賓公服立於阼階下西面僎者公服立於賓之左北面受命出立於門東西面曰敢

請事主人曰某之子某將冠請某子教之

相稱各隨官爵

賓者入告

賓出立於門東西面再拜主人答拜主人曰某之子某將加

冠願吾子教之賓曰某不敏恐不能供事以辱於吾子敢辭

主人曰某猶願吾子教之賓曰吾子重有命某敢不從主人

再拜賓答拜主人還賓拜送主人戒贊冠者亦如之

亦通使子弟戒

之前一日掌事者設次於大門外之右南向其日風興贊者

設洗於正寢阼階東南東西當東榮南北以堂深罍水在洗

東加勺幕篚在洗西南肆實巾一爵一於篚加幕席於東房

內西脯下

無房者張惟為之

陳服於席東領北上爵弁服青衣纁

裳白紗中單青領標襪裾革帶鈎觿大帶

練帶純其垂內

外以緇組約用青組

爵韞白韞赤履

庶人介幘絳公服方心革帶組觿假帶韞履

進賢冠

服絳紗單衣白紗中單皂領標襪裾白裙襦

赤裙衫

革帶鈎

鬴假帶曲領方心絳紗蔽膝

八品九品去中單曲領蔽膝

白韞黑烏

八品

以下黑履庶人黑介幘服白裙襦青領革韞履

緇布冠服青衣素裳素韞

中單革帶與爵

弁服同韞履與進賢冠服同庶人帶韞履與介幘服同去韞

緇纁櫛簪同箱在服南

纁今

用皂巾方六寸屬帶於前兩隅

蒲筵四緇布純又在南側樽甒醴在服北

加勺冪設籩在樽北賓角解角杞各一加冪陳饌於籩

北

杞以角為之狀如匕饌用特牲一俎二簋二豆牲體節折加離肺籩實脯棗豆賓菹醢

設洗於

東房近北罍水在洗西籩在洗東北肆實以巾贊明賓

贊至於主人大門外掌次者引之次賓贊公服諸行事

者各服其服

無公服者常服

執樽罍籩者皆就位爵弁玄纓

角導

庶人則黑介幘

進賢冠一梁纓青綏角導

庶人則黑介幘

緇布

冠青組纓冠弁各一箱各一人執之待於西階之西東

面北上設主人之席於阼階上西面賓席於西階上

東面冠者席於主人東北西面主人公服立於阼階下
當東序西面諸親公服非公服者常服立於壘洗東南西
面北上

尊者停別室

儗者公服立於門內道東北面將冠者

雙童髻空頂幘導綵袴褶錦紳烏皮履立於房內南面
主人之贊冠者公服立於房內戶東西面賓及贊冠者
出次立於門西贊冠者少退俱東面北上儗者進於主
人之左北面受命出立於門東西面曰敢請事賓曰某
子有嘉禮命某執事儗者入告主人迎賓於大門外之

東西面再拜賓答拜

凡賓主拜揖入出皆贊禮者相導

主人揖贊冠者

冠者報揖主人又揖賓賓報揖主人入賓及贊冠者次入及內門主人揖賓賓報揖主人與賓入贊冠者從之至內雷將曲揖賓報揖至階主人立於階東西面賓立於階西東面主人曰請吾子升賓曰某備將事敢辭主人曰固請吾子升賓曰某敢固辭主人曰終請吾子升賓曰某敢終辭主人升自阼階立於席東西向賓升自西階立於席西東面贊冠者及庭盥手洗升自西階入於

東房立於主人贊冠者之南俱西面主人贊冠者引將冠者出立於房戶外之西南面賓之贊冠者取纚櫛簪箱跪奠於冠者筵南端興席北少東西面立賓揖將冠者賓主俱即席坐將冠者進升席西面坐賓之贊冠者進筵前東面跪脫雙童髻置於簪櫛畢設纚興復位立賓主俱興賓降盥主人從降賓東面辭曰請吾子不降主人曰吾子降辱敢不從降賓至盥洗盥手訖詣西階賓主一揖一讓升主人立於席後西面賓立於西階上

東面執緇布冠者升賓降一等受之右執頂左執前進
將冠者筵前東向立祝曰令月吉日始加元服棄爾幼
志順爾成德壽考維祺介爾景福乃跪冠興復西階上
席後東面立賓之贊冠者進筵前東面跪結纓興復位
冠者興賓揖冠者冠者適房賓主俱坐冠者著青衣素
裳之服出房戶西南面立賓主俱興賓揖冠者冠者進
升於席西向坐賓之贊冠者跪脫緇布冠置於箱櫛畢
設纚興復位賓降二等受進賢冠

庶人則
黑介幘

右執頂左執

前進冠者筵前東向立祝曰吉月令辰乃申爾服敬爾威儀淑慎爾德眉壽萬年永受胡福乃跪冠興復位賓之贊冠者跪設簪結纓興復位冠者興賓揖冠者冠者適房賓主俱坐冠者著絳紗服庶人則白裙襦服出自房戶西

南面立賓主俱興賓揖冠者進升席西向坐賓之贊冠者跪脫進賢冠庶人則脫黑介幘置於箱櫛畢設纓興復位賓

降三等受爵弁

庶人則黑介幘

右執頂左執前進冠者筵前東

向立祝曰以歲之正以月之令咸加爾服兄弟具在以

成厥德黃耆無疆受天之慶乃跪冠興復位賓之贊冠者跪設結簪纓興復位冠者興賓揖冠者冠者適房賓主俱坐主人贊冠者徹纚櫛簪箱及筵入於房又筵於室戶西南向冠者著爵弁之服

庶人則絳公服

出房戶西南面

立賓主俱興主人贊冠者盥手洗解於房酌醴加枳覆之面葉出房南面立賓揖冠者就筵西南面立賓進受醴於室戶東面枳面枳進冠者筵前北面立祝曰甘醴維厚嘉薦令芳拜受祭之以定爾祥承天之休壽考不忘

冠者筵西拜受鬴賓復西階上東面答拜執饌者奉饌薦於冠者筵前冠者升筵坐左執鬴右取脯擣於醢祭於籩豆之間贊冠者取肺一以授冠者奠鬴於薦西興受却左手執本坐右絕末以祭上左手嚙之興以授贊冠者加於俎冠者坐悅手取鬴以柶祭醴加柶於鬴面葉興筵末跪啐醴建柶興降筵西南面跪奠鬴再拜執鬴興賓答拜賓主俱坐冠者升筵跪奠鬴於薦東興進北面跪取脯降自西階入見母進奠脯於席前退再拜

以出冠者母不在則使人受脯於西階下初冠者入見母賓主俱興賓降當西序東面立冠者既見母出立於西階之東南面賓少進字之曰禮儀既備令月吉日昭告爾字爰字孔嘉髦士攸宜宜之於嘏永受保之曰伯某甫冠者曰某雖不敏夙夜祇奉賓出主人送於內門外主人西面請賓曰吾子辱執事請禮從者賓曰某既得將事敢辭主人曰敢固以請賓曰某辭不得命敢不從賓就次主人入初賓出冠者東面見諸親諸親拜之冠

者答拜冠者西面拜賓之贊冠者贊冠者答拜訖見諸尊於別室賓主既釋服改席訖賓興衆賓俱出次立於門西東面主人出門東西面主人揖賓賓報揖主人先入賓及衆賓從之至階一讓升各就坐後立定俱升坐會訖賓主俱興賓立於西階上東面主人立於東階上西面衆賓降立於西階下東面掌事者以幣篚升授主人於序端賓北面再拜主人進立於楹間南面賓進立於主人之右俱南面賓受篚退復東面位主人還阼階

上北面再拜送賓贊降自西階從者迺受幣賓出主人送

賓於大門外之東西面再拜賓退主人入孤子則諸父

諸兄戒賓冠之日主人髻而迎賓拜揖讓如冠主冠於

阼醴之及禮賓拜送皆於上儀明日見祖禰於正寢冠

者公服

庶人則常服

質明設几筵正寢贊禮者引入至庭北

面再拜訖引出

有廟者見於廟

五品以上孫九品以上子冠假

用出身品服其三品以上大功以上親五品以上周以

上親冠同八品九品服

大唐開元禮卷一百二十一

欽定四庫全書

史部

大唐開元禮卷一百二十六

二至

詳校官編修_臣曹錫齡

編修_臣程嘉謨覆勘

總校官編修_臣王燕緒

校對官中書_臣吳俊

膳錄監生_臣劉宗望

欽定四庫全書

大唐開元禮卷一百二十二 唐 蕭嵩等撰

嘉禮

六品以下庶子冠

將冠筮日賓如嫡子之儀前二日主人戒賓及贊冠者
前一日掌事者設次於大門外之右南向其日夙興贊
者設洗於正寢阼階東南東西當東榮南北以堂深疊
水在洗東加勺畢篚在洗西南肆篚實巾一爵一加畢

席於東房內西牖下

無房者張帷為之

陳服於席東領北上爵

弁服青衣纁裳白紗中單青領標襪裾革帶鈎觿大帶

練帶純其垂內外以緇紵約用青組

爵韞白韞赤履

庶人黑介幘服絳公服方心革帶紵觿

假帶

進賢冠服絳紗單衣白紗中單皂領標襪裾白裙

襦赤裙

革帶鈎觿假帶曲領方心絳紗蔽膝

八品九品去中單曲

領蔽膝

白韞黑舄

八品以下黑履庶人黑介幘白裾襦青領革帶韞履

緇布冠服青

衣素裳素韞

中單革帶緇帶與爵弁服同韞履與進賢冠服同庶人帶韞履與介幘服同去韞

緇纁櫛簪同箱在服南

纁今用皂巾方六寸屬帶於前兩隅

蒲筵三緇

布純又在南樽於房戶外之西甌醴玄酒在西加勺罍

設篚樽東置二爵於篚加罍饌特牲一俎二籩二豆在

服北

牲體節折加離肺邊實
脯棗豆實菹醢之類

質明賓贊至於主人大門

外掌次者引之次賓贊公服諸行事者各服其服

無公服者常服

執樽壘篚者皆就位爵弁玄纓導

庶人則介幘

進賢冠一梁

纓青綏導

庶人則黑介幘

緇布冠青組纓冠弁各箱各一人執

之待於西階之西東面北上設主人之席於阼階上西

面賓席於西階上東面冠者席於房戶外之西南面

房外

謂尊

主人公服立於阼階下當東序西面諸親公服非公服者

常服立於壘洗東南西面北上

尊者停別室

儼者公服立於

門內道東北面將冠者雙童髻空頂幘導綵袴褶錦紳

烏皮履立於房內戶東南面主人贊冠者公服立於房

內戶東西面賓及贊冠者出次立於門西贊冠者少退

俱東而北上儼者進於主人之左北面受命出立於門

東西面曰敢請事賓曰某子有嘉禮命某執事儼者入

告主人迎賓於大門外之東西面再拜賓答拜

凡賓主拜揖入

出皆贊禮者相導

主人揖贊冠者贊冠者報揖

主人又揖賓賓報揖

主人入賓

及贊冠者次入及內門主人揖賓賓報揖主人與賓入贊冠者從之至內雷將曲揖賓報揖至階主人立於階東西面賓立於階西東面主人曰請吾子升賓曰某備將事敢辭主人曰固請吾子升賓曰某敢固辭主人曰終請吾子升賓曰某敢終辭主人升自阼階立於席東西向賓升自西階立於席西東向贊冠者及庭盥於洗升自西階入於東房立於主人贊冠者之南俱西面賓之贊冠

者取纚櫛簪箱跪奠於冠者筵東端興席東少北南面立賓揖將冠者賓主俱即席坐將冠者進升席南面坐賓之贊冠者進筵前北面跪脫雙童髻置於箱櫛畢設纚興復位賓主俱興賓降盥主人從降賓東面辭曰請吾子不降主人曰吾子降辱敢不從賓降至盥洗手訖詣西階賓主一揖一讓升主人立於席後西面賓立於西階上東面執縹布冠者升賓降一等受之右執頂左執前進將冠者筵前北向跪冠興復西階上席後東

面立賓之贊冠者進筵前北面跪結纓興復位冠者興
賓揖冠者冠者適房賓主俱坐冠者著青衣素裳之服
出房立於戶西南面賓主俱興賓揖冠者冠者進立於席
後南面賓降盥主人從降辭對如初賓盥手跪取爵於
篚興洗訖詣西階賓主一揖一讓升主人立於席後西
面賓詣酒樽所酌酒進冠者筵前北向立祝曰旨酒既
清嘉薦亶時始加元服兄弟具來孝友時格永乃保之
冠者筵西拜受爵賓復西階上東面答拜執饌者薦籩

豆於冠者筵前冠者升筵坐左執爵右取脯濡於醢祭於籩豆之間祭酒興筵末坐啐酒執爵興降筵西跪奠爵再拜執爵興賓答拜冠者升筵跪奠爵於薦東興立於筵西南面執饌者徹薦爵賓揖冠者冠者進升筵南向坐賓之贊冠者跪脫緇布冠置於箱櫛畢設纚興復位賓降二等受進賢冠

庶人則黑介幘

右執頂左執前進冠者

筵前北向跪冠興復位賓之贊冠者坐設簪結纓復位

冠者興賓揖冠者冠者適房賓主俱坐冠者著絳紗服

庶人則白
裙襦服

出房立於戶西南面賓詣酒樽所取爵酌酒

進冠者筵前北向立祝曰旨酒既滑嘉薦伊脯乃申爾服禮儀有序祭此嘉爵承天之祜冠者筵西拜受爵賓復西階上東面答拜執饌者薦豆冠者升筵坐左執爵右祭脯醢祭酒興筵末坐啐酒執爵興降筵西跪奠爵於薦東興立於筵西南面執饌者徹薦爵賓揖冠者冠者進升席南面坐賓之贊冠者跪脫進賢冠

庶人則脫
黑介幘

置於箱櫛畢設纚興復位賓降三等受爵弁

庶人則黑
介幘右

執頂左執前進冠者筵前北向跪冠興復位賓之贊冠者坐設簪結纓興復位冠者興賓揖冠者冠者適房賓主俱坐主人贊冠者徹櫛箱入於房冠者著爵弁之服

庶人則絳公服

出房立於戶西南面賓主俱興賓揖冠者冠者

進立於席後南面賓詣樽所取爵酌酒進冠者筵前北向立祝曰旨酒令芳籩豆有楚咸加爾服肴升折俎承天之慶受福無疆冠者筵西拜受爵賓復位東面答拜執饌者薦籩豆設俎籩豆之南冠者升筵坐左執爵右

祭脯醢贊冠者取肺一以授冠者冠者奠爵於薦西興
受却左手執本坐右絕末以祭上左手齎之興加於俎
冠者坐慨手執爵祭酒興筵末坐啐酒興降筵西南面
坐奠爵再拜執爵興賓答拜冠者升筵坐奠爵於薦東
興降席北面跪取脯降自西階入見母進奠脯於席前
退再拜以出冠者母不在則使人受脯於西階下初冠者
入見母賓主俱興賓降當西序東面立主人降當東序
西面立冠者既見母出立於西階之東南面賓少進字

之曰禮儀既備令月吉日昭告爾字爰字孔嘉髦士攸
宜宜之於嘏永受保之曰孟某甫仲叔季唯其所當冠
者曰某雖不敏夙夜祇奉賓出主人送於內門外主人
西面請賓曰吾子辱執事請禮從者賓曰某既得將事
敢辭主人曰敢固以請賓曰某辭不得命敢不從賓就
次主人入初賓出冠者東面見諸親諸親拜之冠者答
拜冠者西南面拜賓之贊冠者贊冠者答拜訖見諸尊
於別室賓主既釋服改席訖賓與衆賓俱出次立於門

西東面主人出門東西面主人揖賓賓報揖主人先入
賓及衆賓從之至階一讓升各就坐後立定俱坐會訖
賓主俱興賓立於西階上東向主人立於東階上西向
衆賓降立於西階下東面掌事者以幣篚升授主人於
序端賓北面再拜主人進立於楹間南面賓進立於
主人之右俱南面賓受篚退復東面位主人還阼階上
北面拜送賓降自西階從者迓受幣賓出主人送賓於
大門外之東西面再拜賓退主人入孤子則諸父諸兄

戒賓冠之日主人髻而迎賓拜揖讓如冠主冠醮禮賓

拜送皆如上儀明日見祖禰於正寢冠者公服

庶人則常服

質明設几筵於正寢贊禮者引入至庭北面再拜訖引

出

有廟者見於廟

五品以上孫九品以上子冠假用出身品

服其三品以上大功以上親五品以上朞以上親冠同

八品九品服

大唐開元禮卷一百二十二